

AWAJUN CHICHABAI JIIKBAU

**GOBIERNO TERRITORIAL AUTONOMO
AWAJUN
GTAA**

**JINTA AINJA CHICHAM IWAJA PUJUSTIN
AWAJUNNUM**

ORDENANZA TERRITORIAL N° 13-2024-GTAA-I



1era Edición

AWAJUN CHICHABAI JIIKBAU

JINTA AINJA CHICHAM IWAGTAI AWAJUNNUM

Art. 1.- Awajun chicham inagnatai

Awajunnum chicham inagnamuk akikchauwai, takamsauwa dushakam, antigbauwa dushakam betek tsawan susamu atatui ayamjumkatnume tusa, aantsag, shiig tsuwat epegkeashbau ataik, nuna yakin weji iwagmaina dushakam ajawai dutikmainji.

Art. 2.- Eemtika jujuwai takamsau tumainchau

Ashi aents aina duka eke takamsamuji ejetachiatku takamsauwa imanuk diisbau achattawai Jintiina nunu ejega jú takamsae tachamu aigkik. Bakichik apukesh Jintiina nunú yaki takamsauwaita nuna ejeyi suwimke atina nuna yumigkiatsaigkik aents takamsauwa imanuk diisbau achattawai.

Art. 3.- Nú utugchatnumag pataka chicham egkettai achattawai

Aentsuk, takamsamunum chicham iwajamu aigkik, duke ataktu inantuja chicham egkettai achattawai.

Art. 4.- Chichamnash ya anuntuk pataetukash diin atatua

Chichaman pataetuk diin atata duka batsatkamu utugchatjin iwagtin ati tusa Jintiin mamikjamu aina nunú ágtatui.

Art. 5.- Tuwi chicham egketai atatua, nuigtush ya yumigbaush atatua.

Chichamak egketai atatui tutupit batsatkamu Jintiinjin. Jintiina nú chichaman awetittawai takamsauwa nuna ujak, jui chicham ajutjama nú esetumata tusa. Untsumamu atatui chicham epegkeamu ati tusa, nua nui, iwainaka ayamjumkatna nunú apugbau atatui. Utsanamunum ashi chichaka nagkankamunum Jintiina nunú yumigkagtugtutui. Tuja chicham utugchat ataik Jintiina nú tsawanta sumamsau atatui shiig ejetag tabau asamtai.

Wawejatbau pachisa chicham egkeamunmak:

1. Yaki juka tunchi tusa chichaman egkeawa duka jui tajai tusa iwainaktatui.
2. Ajaka uwajan wainkajai tusa juwai tunchik tabauwa duka achattawai.
3. Dekajuamu atatui yaunchkesh tunchi tutai ajakchauwashit.
4. Chicham egketam awa duka ayamjumkattawai jutik iwaintumak:
 - a) Juka tunchichui tusa papii jiijkimun iwainak.

AWAJUN CHICHABAI JIIKBAU

b) Papii jiijamkimua nú ijunjamunum iwainmamku actanum apujamua nú.

5. Dekas nunin asamtaimpash chichamash egketam awa tusa diistina duka Jintína duke.

Art. 6.- Wajuk iwainaka ejetai atatua

Jintiin chichák jujú ainawai iwainaka chichamjumkatnuk tusa etegjamu aina nú atatui. Jujú ainawai iwainaka chichamjumamain aina duka: papii najanamu, wakan egkekbau, chicham egkekbau, aents etsegkati tusa dakapakbau aina nú, wajukamukita nú dakumjuja jukimu aina nunú, nuigtush tikichish tuki ainta nú.

Baki bakichik batsatkamu kampújiyanu, tuja juna tsatsaekaji aina dushakam ajiagtatui pericia libroji tutai, juka Notario usuakbau, nuniachkush Juez usuakbau atatui.

Magkagtuamunmak jujú aina nú iwainatai atatui:

- a) Waijatkauwa nú.
- b) Wajiiyai magkagtuamuita nú.
- c) Etsegbauwa nú.
- d) Junike tusa papii jiiKBauwa nú.
- e) Tikich WajiiG iwainamainita nú.

Art. 7.- Ayamjumta ayamke

Chichama egkea duka, aantsag chicham egketam awa duka yaki chichamkagtumainita nuna egaku ágtatui agkan, nudiau asamtai, ayamka chichau namukjintin atí nuniachuk jetemkagtuchu ati tutai achattawai.

Bakichik aentsuk waitkaku ame takamsamua nú etsegtumakta, aishjumkesh, nuwemkesh, pataimekesh etsegtukta tutaig achattawai.

Art. 8.- Suwimak susatag tusa emamu

Takamsamua duka aintam atatui yaki antigbauwaita nunú chichaman egkeakui, nuniachkush yaki puyatkagtus diijatu asa chichaman egkeawa nunú diisa.

Art. 9. Takamsamu aina nú sakamainchau

Takamsamua duka sakabaitsui tsakat aina nú katsekeamunum, magkagtuamunum, tuja, batsatkamu Wajiiji jujamunum, awajuni takataiji jujamunum.

Art. 10.- Estado Wajiiji takamjamunum

AWAJUN CHICHABAI JIIKBAU

Estado Wajijin takamja duka diisbau atatui apach chicham esetai aina nui.

Art. 11.- Ujai ekaetamu

Batsatkamu Jintiinji shiig chichaman iwajachu ataishkam, junak ukuak aan yakin chicham egkea iwagtai atatui.

Aán yakin utugchatan iwagtujati takuik patatai atatui papii segunda instancia tawa nui. Jintiin segunda instancia puja nunú papii egkeamu juki, segattawai batsatkamu yama nagkamchaku chicham egkeamua nui, nunikmatai nuiya Jintiina duka papii patasbauwa nunak imatiksag inagkeatkittawai 10 tsawan nagkaematsaig. Segunda instancia diistina duka Jintiin tajimat nugkanum pujusam chicham iwajin ata tusa adaikamua nunuwai.

Art. 12.- Tsawan batsakbau

Jintiina nunu papii chicham egkeamu tajuamak 10 tsawanta dakapatua nú tsawantin taám iwajtugmagta tusa ujaku atatui.

Chicham imanchauk 5 tsawantai iwagtai atatui.

Chicham utugchata duka bakichik nantuik iwagtai atatui.

Chicham aan nagkaemas shiig utugchat ataik, Jintiina nú wajupa tsawanta apusatig nunú atatui, tuja tsawantan apugkushkam 4 nantua nunak inagkeajag emamait sui.

Aents suwimkan jukiti tusa yumigjamua duka nii ujai yakiya Jintiina nunu iwagtujati takug 15 tsawanta inagketsuk segabiu atatui yaki ekaematan.

Art. 13.- Tuu niimtinuk suwimak jumainaita

Tuu nimtinuk suwimak jumainaita nunak Jintiina nú diistatui. Jintiina duka shiig chichamnash, tsuwat chichamnash nigki diistatui.

Art. 14.- Awake anentaimchamu

Chichaman egkea duka awake anentaimjag juig wajanti tichattawai chicham egkeamua nú nagkamna wegau aigkik. Chicham egkeamuk nagkamnawai papii najana tatajum chicham iwajami tusa iwainamua nui nagkamas.

Art. 15.- Tuu nugkanum pujusa iwagmaush awa tsuwatash

Tuu nugkanu pujusa iwagmainaita tsuwatash nunak atus taku tawai:

- a) Tuu nugkanu pujamunum takabaush asae.
- b) Tuu nugkanum pujamunum chichamash jiinie

AWAJUN CHICHABAI JIIKBAU

- c) Tuwig wantinkae takamsamua dusha.
- d) Takamsa dusha tuwig pujawa nui.
- e) Takamsacheash tusa chicham adugtuamua nuna maatasagkesh adutau wainkuik, utugchata duka juki tikish batsatkamunum iwagtai atatui.
- f) Yujamunmakesh bakumamu ataik tuu batsatkamu nugkenig umibaush nagkaemakie nuiya Jintiin diin atatui.

Art. 16.- Áwajuntik tsuwat eseyin ami tumabau

Constitucionka artículoji 149 Wajiintu agajbauwaita nunú diisa awajuntish iik esetuma batsamta dusha diyaji, nuniaku achimji convenio 169 OIT num, aantsag achimji brazilianum 100 chicham najanamua nujai apatja.

Art. 17.- Awajuni nugkega nuna ukuki takamsamunum

Mai awajunitak tikish nugkanum yujamunum antinikbau akug, iwagnagtatui chicham yaki pegkegchau takagsamuita nuna nugkén itá. Takamsauwa duka itaámu atatui Policia Nacional yaimpakmatai, takamsamua nú nugkan yaá fiscal diyawa nujai chicham awetunimunum, judiaush wajuk esetai ati tusaiya protocolo najanamuita nunú diisa.

Art. 18.- Chicham egkemamtai juki emamua duka mijamainchau

Nuú nugkanmaya Jintiin diisti tichamu aig takamsamu iwajatag tusa chicham egkea émamunum, atsa juka diischati, dekas tuwig takamsamuita nuiya Jintiin diisti tabau asamtaishkam, yama chicham egkeamua nui ejeja ainjatin ijumjamua duka imatiksaik inagkettai atatui yaá Jintiin diisti tabauwaita nui.

Art. 19.- Tuna dutikattawa Jintiina nú awajuni daajin chicham esebau diin atá tusa adaikamua dusha (juez supremo o juez mayor)

- a) Wega Nugka Jintiinjig jujú ágtatui, muunjimamu Jintiin, Jintiinu munjiya nuna aTuuke, papii agau, nuigtú chichama etsejin (juka midiagtatui, Loretonmaya, Amazonasnumia, Cajamarcanmaya, nuigtú San Martinnumia.
- b) Juka diistin ainawai dekas chichamash Tajimat Nugkanum inagnakbauwa dusha chigkai umikchamuashit tusa, dewaka umikchamuashit tusa, yajupea umikchamuashit tusa, nuniachkush, agagbauk aig nunú diitsuk chichama empegkeajai tabau atsuash tusa.

AWAJUN CHICHABAI JIIKBAU

- c) Tajimat Nugkanum Jintiina nuna, juka wajaakati tusa segamiagtai iWajiin atin.
- d) Batsatkamunum Jintiin aina nunú inimas wajuk jujú utugchat awa dusha iwagmainkita tutai juka juní iwagmaina tusa yaimkatin,
- e) Código, ley, aina nuna juka jutik anentaiyai najankamui tusa ujajatkatin shiig antashbau ataishkam.

Art. 20.- Tuna takau atatua Tajimat Nugka Jintiinjish

- a) Tajimat Nugkan Jintiinjig jujú ágtatui, muunjimamu Jintiin, Jintiinu munjiya nuna aTuuke, papii agau, nuigtú, chichama etsejin, juka adaijamu ágtatui Tajimat Nugkanum ijunjamunum.
- b) Batsatkamunum chicham iwajamu aig, shiig iwagtujache tusa ataktú ujai yaki Tajimat Nugkanum pataamsantai iwajatin.
- c) Yaá utugchatnash iwajattawa tusa mai batsatkamunmaya Jintiin tudayagtai nuna esetin atin.
- d) Mai awajunitak yakat batsamas antinikagmatai Estadon segatin itagtuata dita nugken jui iwagnagti tusa.
- e) Jui iwagmainchau asantai juka ame iwajata tusa segatin justicia ordinarian.
- f) iWajiin atin, batsatkamunum, Jintiin pachisa jujú chichaman iwagtujati tichamjai tusa tabau atai.
- g) Iwajau atin tsuwat Wajiig ainta nunu Codigonum, nuigtush, ley num adaijamua nuna.

Art. 21.- Junta del Juzgado del Batsatka mu o Comunal

Batsatka mu Junta Directivajiya duke ágtatui chichaman iWajiin, nuniamunum, pamukua duke Jintiin atata dushakam.

Art. 22.- Tuna iWajiin atatua Batsatka mu Jintiinjish

- a) Tudaibau iWajiin atatui, nunisag iwajattawai tikish utugchat minitaishkam.
- b) Dekatkau chicham egkeamua nuna usukin atatui.
- c) Chicham kakajus esemainchau ataish iWajiin atatui ipaama ijunjamunum.
- d) Pamuku aTuuke wau atatui pamuk atsutaishkam nunik nii chichaman epegken atatui.

Art. 23.- Yaja nugkanum takamsamu asantai nuiya iWajiiti tusa jachaetamu

AWAJUN CHICHABAI JIIKBAU

Jintiina nunú nii wajupa nugka achiakua nui takamsamu atsaig, atai chichaman iwajatjai wii takui, atsa, amek diimaitsume juka, dekas diistina duka tuu nugkanma takamsamuita nuiya Jintiin diisti tabau atatui.

Art. 24.- Ya segamtatua jachaetuata tusash

Jachaetuata tusa segamtata duka yaki chichaman egkeawa, nuniachkush yaki chicham egketam awa, nunú segabiu átatui.

Art.25- Chicham esegatasa jinta aintuja emamua nuna imanji

Wainka timajai tusa awake anentaibau akuishkam, tuwi kuwan kae chicham esegatasa jinta aintamush duka wajanchattawai.

Art. 26.- Takat inagkeatbau

Takat inagkeatbau tawa duka, takamsamua nunú apach chicham tsuwat iwagtainum emamua nunuwai. Juka aiktai atatui batsatkamunum kakajus iwagmainchau wainku kuashat utugchatan apujuinakui, nuniachkush, aents takamsawa nuna awantainak ishamain wajainakui, atsa, batsatkamunum shiig iwagmainchau pachimdaibau akui.

Art. 27.- wajaantamu

1. Jujú utugchat abaunum Jintiina duka wajaántau atatui diyamujinak:

- a) Takamsauwa nunú Jintiinu patayi asamtai.
- b) Takamsauwa nunú Jintiina nuna kumpaji asamtai, shiWajii asamtai, patayi asamtai, nuniachkush, jetemkagtuktata nujai shiig niniashbaunum.
- c) Takamsauwa nuna wají su asa, nuniachkush diwimu asa.
- d) Yaunchkesh Jintiin asa, takamsauwa nuna, antigbauwa nuna utugchatjin diiju wajaku amainchau, nuniachkush, utugchata apugtunisag chichaman egketdayawag batsata nuna yaunchkesh yachajigkesh, etsegkatnukesh, atsa, ayamju wajakukesh amainchau.
- e) Kakajus kajintusa diimainchau, juna kajejak, tikichin wait anentak shiig chicham iwagmainchaunum ejekagtumaina nunu wainbaunum.

2. Wajii utugchatnumak wajantatjai tabaush awa duka imatiksaik agaja iwaintumakbau atatui.

Art. 28.- Jujú Jintiina duka jú chichama nunak diischati tabau

AWAJUN CHICHABAI JIIKBAU

Jintiina nunú niish pachimtanum pujau ayatak jujú utugchatnak diischau atajai tachamu ataik, yaki iwagtumagtatus batsatua chichaman egketdayawag, nunuiya bakishkia dukesh papii patatam atatui, nigka junak diigtuschatu tibaun. Dutik papii najaná awayamun Jintiina nú wainkag, inagketin atatui utujimtsuk tikish Jintiin nina aTuuke atí tusa adaitukbauwa nuna. Jintiina nunú jujú utugchatnak diischati titag takuik Wajinuma dusha tibau atí tusaya jujú chicham najanamua nui tibauwaita nunú pachitua segabau atatui.

Chicham epegkeami tusa ijunjamunum, bakishkikesh chichama egketdayawag batsata nuiya, Jintiinu pachis niig digtuschatu jujú utugchata junak tabau akuig, ijunbauwa duka wajantatui tikish tsawan apugtaku, dui diismi tusa. Tuja ame Jintiina nuna aTuuke atá tibauwanu nui eketu akuig, níf uyumakmatai, ijunjamua duka tsujitsuk chichamak iwagtai atatui.

Art. 29.- Jintiina nú wajanmatai niina atuukega nunú apugtamu

- a) Jintiina duka jujú utugchata junak diischau atí tibau ataik, yapajina pujujuattawai níina aTuuke ati tusa adaitukbauwa nú.
- b) Utugchat igkuamu ataik esegattawai batsatkamu Junta Directivajia nú, wagki duke chicham iwagbaunash diin atinme tibau asamtai.

Art. 30.- Takamsawa nuna ayamke

- 1. Takamsawa dusha ayamke ajawai, nudiau asa nigka chichamjumaktatui, nuniachkush niina jetemjuktinnash egaku atatui, atus Constitucionkash, ley aina dusha tau asamtai, tuig chicham egketam asae nui nagkamas tuig amukti chichamnash nui ukuktin asa.
- 2. Jintiina duka, batsatkamu policiaji aina dushakam ujaku atatui takamsauwa nuna, shiig antumainun, juju ainawai amina ayamkagmek tusa:
 - a) Dekau amain Wajii chicham egketam asae nuna, tuja achiamu ataishkam, ujakbau atin tú utugchatnuma emeteam awa nú, dutikaku susamu atin papii wají tukiya dutikamash awa nunu pachisa.
 - b) Achiakuik patayiya nunú waámak ujaku atin.

AWAJUN CHICHABAI JIIKBAU

- c) Yama nagkamawaik takamsauwa duka waamak apusau atin jetemkagtinun, nuniachkush patayikesh aputusu atin chichamkagtuktina nuna.
 - d) Niina ayamjuktina nunú pujamunum etsegkau atin.
 - e) Kakanjamu amainchau, uwakamu amainchau, aniashkush, datsan awagbau amainchau, aantsag nii agkan chichamjumainchaunum awaya Constitucion ayamka chichanu uwaetuka najasa takasbau amainchau.
 - f) Jamu ataishkam tsuwajatin aina nunu diyakuk ampiamu atin.
3. Jujú batsakbauwa nunú umika emamua duka agaka inimtai atatui papii jujú adujatin sumagkamunum, nua nui kuwesmagtatui takamsauwa nunú, tuja aiksag yaá apuk diyawa dushakam. Takamsauwa nunú papii kuwesmatan dakitakuig, juka kuwesmatan dakitawai tusa papinum adujtukbau atatui, dutikaku wagkag kuwesmatnash dakitawa dushakam aougusbau atatui.
4. Takamsauwa nunú chichak mina ayamkajush tú ainawa nunakesh tujutchaje takug Jintiinu segau atatui nuna pachis aiktuawainmeka tusa, nuniak nii wajuk kuitamam amainita nunashkam sumaktatui.

Art. 31.- Yupiaja wekaebau

1. Jintiina duka yupiaje titatui takamsauwa nunú juna nunitai:
- a) Utugchatjum ajutjamui taam iwagtumagta tusa chicham awetabaitak nii anentaimas tatsuk yupiag wekaganu.
 - b) Achika egkeamua nunú jiinki tupikanu.
 - c) Achika egkeamu ati tusa, nuniachkush, jutik suwimkan jukiu ati tusa papi najatuamun deokayatak yupiag wekaga nunú.
 - d) Jintiinu dekamtiktsuk yaja jiinki nii pujamujin ukuak wega nunú.
2. Jintiina nú yupiaja wekaebaun papii jiyakug nuig tiu atatui achinkau ati tusa, nuniak yaki ayamjukti nunash egatkau atatui.
3. Yupiaja nunú achinkati tibauwa duka jui wajanti chicham egkeamua dusha taku tatsui.

Art. 32.- Ayamjumabau

Takamsauwa duka ayamke ajawai nudiau asa nigka egaku atatui aents niina ayamjuktina nuna, nuniachkush, patayikesh apugtusu atatui ayamkagtuktina nuna.

AWAJUN CHICHABAI JIIKBAU

Ayamkagtukti tusa adaikamua nunú chicham ejetasa pujugbaunum tatsuk megkaekau ataishkam, juju tsawanta duka inagkeakchami tusa tibau ataik, nuig tikichin egak apusau atatui takamsauwanu, nunikmatai itajitsuk ematai atatui chicham diyamushkam, tuja emakuishkam, tuke uyumattsa diisa ematai atatui takamsauwa nuna ayamken najatjaig tusa.

Art. 33.- Takamsauwa nunú etsegtumabau

Takamsauwa duka etsegtumaktatui agkan, tepegsaikish tachamunum, kakanchamunum, suwimchamunum. Etsegtumamua duka agaja anugtai atatui bakichik papi jujú pachisa agatai ati tusa tibaunum.

Art. 34.- Antigbauwa nú

Antigbau taji yaki pegkegchau takagku najaimitkaji nunú.

Art. 35.- Antigbauwa nuna ayamke

1. Jujú ainawai antigbauwa nuna ayamkeg:

- a) Nii segamkuig sunastatui wajuk ujuika emamu awa chichamash nunú pachisa;
- b) Antugkamu atin nii chichamjumamushkam utugchat iwagku ijunjamunum;
- c) Chichaman eseyin aidauk aentsmas diisu atatui antigbauwa nuna, dutikak kuitamta nuna diigsagtatui, aantsag niina patayinash antigkainum tusa kuitabau atatui.
- d) Suwig umimainchaunum wajantash yakiya Jintiin pujamunum awayin atatui.

2. Antigbauwa nunú tsakat, nuniachkush jamamtin ataik níina patayi uyuntsamu atatui.

Art. 36.- Antigbauwanu umimaina nunú

AWAJUN CHICHABAI JIIKBAU

Antigbauwa duka etsegtumaku atatui yama nagkamchaku chicham egkeaku wekaetamunum nagkamas, tuja chicham iwagku ijunbaunmashkam.

Art. 37.- Chichamu

1. Utugchata duka iwajatasa wekaetamu atatui awajun chichabai. Tuja castellanuwai iwagmain wainkuik jujú chichabai takatai atatui.
2. Bakichik aents awajun chichatnakesh, kistian chichatnakesh dekachu akuig, aputusbau atatui chicham yapajia chichatan antau, Jintiina nunú atus timatai.
3. Papii, awajun chichabaikish, kistian chichabaikish agagchamu ataik, chicham antumainnum jiiqbau atatui, atus atsumamu ataik.

Art. 38.- Etsegtumamuanu, iniqbauwanu, chichama yapajia antumainun etsejin aina nunú yaimpasmatai.

Aentsuk iniasa dekagtai atatui awajun chichabaikish, nuniachkush kistian chichabaikish, nuniashkuish tu chichabaik etsegtumaji nuna chichaman yapajis antina nunú yaimpakmatai etsegtumatai atatui, atus ati tabau ataik.

Art. 39.- Chicham adugtai

Ejetasa takamua duka agatai atatui chicham adugtainum. Chicham adugtaiya nuwig apugnasu atatui Wajii tsawantaita, tuwiyaita, Wajii mijanaita, Wajii nantuita, Wajii tsawantaita, Wajii horayaita nunú ashi pachisa tibau, dutikaku ya aents aidau pachinak chichakuita dushakam batsakbau atatui.

Wakankesh egkekbauwa duka kuashat jiijaishkam takamainai chicham iwajatasa wejamunum, tuja wajuk chichakbaukita wakan egkekbauwa nuish dusha agaja papiinum jiiqbau amainai chicham adugtainum.

AWAJUN CHICHABAI JIIKBAU

Chicham adugtaiya nuna senchijig megkaetawai aents mamikja tichamunum ejeku, nuniachkush, yaki chicham adugtain najanua nuna kuwesmakji atsamunum.

Art. 40.- Ujamu

Papii juní wegawai chicham iwagbaush tusa jiigbauwa duka susamu agtatui chichaman egketdayawag batsata nú, nuna juki tsawan sumamsa papii umimaina nú diisa. Papiyai ujamua duka chichamnum batsata dusha Tuu jeganmak pujawa nui weji sutai atatui, nuniashkuish tuig takawa nui ejetua sutai atatui.

Ujamua duka yaki ayamkagtukti tusa egakbauwaita dukesh sutai atatui, nui nagkamas tsawan dakapatam atatui. Ujamua duka correo electróniconum, whatsaapnum awetamukesh amainai, dushakam aantsag senchiji ajawai.

Art. 41.- Untsuamu

Tutit awagkamu aina duka, etsegkatin agtata duka, dekamin, tuja, chichaman yapajia etsejin aina duka untsuam agtatui batsatkamu policiaji papii untsúmamua nunú susa akupkamunum, nuniachkush, Jintiina dusha yanak inaje nunú susa akupkamunum.

Waugsa untsuniamunmak ayatak weduikesh tibau atatui, tigkapnumkesh, correo electronicanmakesh, dutikaku agaja ukukiu amainai juní untsunikji tusa.

Art. 42.- Chicham iwajatasu papii chimpiamu

Baki bakichik chicham egkeamu diyamua duka antsag baki bakichik papigtin agtatui wajutik emamu awa nui nagkamas juki chicham inagnamu atata nui.

Art. 43.- Papii achí jiyamu

Chichama egketdayawaju aina duka segabiu agtatui papii chimpiamua nuna wakanin achín jukittjai tusa yama nagkamchamunum nagkamas.

AWAJUN CHICHABAI JIIKBAU

Nunú papii wakaní achí jukimua duka jijaik ashi aents wainjatnume tusaik inakmashtai atatui.

Namputchawame papii chimpiamua nunú utsankamtaishkam, bakishkikesh wakaní ashí jukimu jugakchagash nunú patatai atatui.

Art. 44.- Etsegtumamuanu:

1. Etsegtumake tabau atina duka, yaki takamsae nunú wii junikbaijai tumami iwaina nunuwai.
2. Dekas etsegtumake tabau atatkug juna iwaintumamainai:
 - a) Dekas tawai titag takuik tikishnumash iniimsa dekamunmash betek juga nunuwai;
 - b) Etsegtumaku amainai waitkashbaunum, nigki anentaimas tumaabauwa nunú;
 - c) Etsegtumaku atatui Jintiinu emtin, nuigtush pujusu amaina niina jetemjuktina dushakam;
 - d) Dekas wait tichamua nunú.

Art. 45.- Dekas etsegtumamunum

Dekas etsegtumamu ataik, Jintiina duka wajupa tsawan suwimak sukagtusmi tibauwaita nuna jimaipituk awagmainai, yakí articulo awa nunú Wajiintuk chichawa nuna diis. Jujui tibauwa duka antiatsui aents paan takamu wainkamua nunak.

Art. 46.- Deka nú

Ashi aentsua duka etsegmainai nii deka nunak, untsu, jamamtin aina nunú, nuniachkush ley juka ahati tibau aina nunú dekamun etsegkati tubaitsui.

Aents deka nuna etsegkati tusa chicham awetimua duka Jintiin untsuamak tuké tantau atatui.

AWAJUN CHICHABAI JIIKBAU

Deka nú yama nagkamchak untsuamaitak tatsuk pujutaik kakanja itatai atatui batsatkamu policiaji yaimpasmatai, nuniachkush, awajuni nugken pujashkuish policia nacional yainkata tusa segatai atatui.

Takamsauwa nunak etsegtumaitsui nuna nuwekesh, aishjigkesh akug, patayigkesh numpanum akug, nuniachkush niina numpe achakushkam yunumdayaku patá webaunum, nuwenku, aishjinku patá webaunum.

Art.47.- Jamamtin aina nunú dekau asa etsegbaunum

Deka nú chichachukesh, empekukesh akug etsegtam atatui iwimaja antugdaitan unuimaju aina nunú, nuniachkush, patayi nuna antujin akug nii etsejin atatui.

Deka nú jaak tepau akug tuig tepawa nui weji antugka jujutai atatui etsegbauwa nunú.

Art. 48.- Dékabau

Dekamin tutai atata duka batsatkamunum wantinjauwa nunú atatui, juka batsatkamu ijunjamunum adaikamu atatui dutik chichajka actanum adugtuamu.

Jintiina duka utugchat esebau atin asamtaishkam juka dekamin ainawai tusa adaijamu aina nujai takau atatui.

Dekamin aina nunú tuwi ejewa duka papinum agaja iwainatai atatui.

Tsakat katsekeamunum dekamnush wajuku atatua:

- a) Jimag nuwa muun ame dekamin atá tusa ijunjamunum adaiku juka **katsekamun ejeyin** atí, tú chichaka adugtuamu atatui.
- b) Bakibakichik batsatkamu aina nunú ajiagtatui jimag nuwa dekamin.
- c) Dekamna duka takamsa nuna patayig achattawai.
- d) Dekamin aina nuna patayigkesh katsekagtukmataig tikish batsatkamunmaya dekamnuji yainkata tusa untsutai atatui.
- e) Dekamin aidaush tunak wainmake duka agaja adugtai atatui papii nunú pachisa ujaáku juka pericia comunitaria librojyai tusa umikbaunum.

AWAJUN CHICHABAI JIIKBAU

- f) Katsekamua duka dekaamin aidau iniam atatui tikichish antuidashbaunum.
- g) Iniibauwa duka egkeka juwam atatui.
- h) Bakichik batsatkamukesh dekamnuji atsugbau akug, segattawai batsatkamu yajai intaniawa tikijush nuna.

Magkagtuamunum:

1. Bakibakichik batsatkamua nú ajittawai dekamnuji.
2. Dekamna duka takamsantai chicham egketuamua nunak patayig amaitsui, ántsag patayi amaitsui chicham egkea nujaishkam.
3. Dekamin aidaush tunak wainmake duka agaja adugtai atatui papii nunú pachisa agatainum.

Art. 49.- Chichamua nunú antugbau waintua

Jintiina duka, dutik ejemainu wainkug, segamtatui tigkapnum chichamunum chicham egkekam juga nuna, ántsag chicham dasenum ishimtai aina nunashkam egkekbaun segamiu atatui, aiksag tuki chicham egkekbau ajainta nunashkam segamtatui.

Art. 50.- Achiamu

Paan takabaun wainkug batsatkamu policiajiya nunú achiam atatui, Jintiina nú dakatsuk, dutikaku sujutai atatui yá apua juna diisti tusa tibauwaita nunú. Arresto ciudadano tawa nunashkam batsatkamu policiajiya duka dutikmainai.

Paan takabauwa duka juniakui tutai atatui:

1. Paan takabauwa nunú tutupin wainbaunum.
2. Takamas wajanta nunú ejebaunum.
3. Takamas tupikaki nunú 24 horas jegatsaig amaigka ejebaunum.

Art. 51.- Takamsau asantai tupikaki tusa emeteamu

Jintiinuk emetuattawai aents paan takamu wainkachu akush, ejetamak shiig pegkegchau takamsauwa nunin jegamainun wainkug.

AWAJUN CHICHABAI JIIKBAU

Art. 52.- Wajupa tsawan emetuamu amainita

1. Batsatkamu policiaji aina duka emetkagtumainai 24 horas egkejatua, nuniachkush, wajupa tsawanta jukie takamsaun juki inimak, nui nagkamas tasawantak dakapatuamu atatui.
2. jiiiktinaitku achiamua duka 72 horas emetuamu atatui egkea, tuja utugchat aintuja dekagmain akuig emetuamu atatui egkea 7 tsawan.

Art. 53.- Tupikaki tusa egkeamu

Tupikaki tusa egkeamu atatui jujú juniamunum:

- a) takamsamua nunú kakajus ejemain wainbaunum.
- b) Takamsamua nuna suwimkajig 4 mijana nuna nagkagas epeknum egkemaina nunú diigbaunum;
- c) Takamsa nunú tupikaumain diyamunum, nuniachkush shiig chicham iwajashminun pachimaina nú diigbaunum;
- d) Prisión preventivanum egkemau akug 6 nantua nunú uwaetuki etimu achattawai.

Art. 54.- Tupikaki tusa achika egkeamua nú abuemau

Achika egkeamua nú segamiu amaina egketag dusha juig wajunta atí, ayatak jiinki pujusan chichamjumaku atajia tusa.

Egketbauwa dusha juig wajanti titag tabaunmak Wajii tukig egkeam asawaitji nunú mijaakbaunum achikam egketush jiyam atatui, niish agkan pujus chichamjumakti tusa.

Agkan pujus chichamjumakti tusa jikmaitak ayatak yupiag wekagu, nuigtush tupikaktag tusagkesh uminu, nuniachkush, yamajam iwainamu jiiinjamtai diyam dekas takamsamua nunin wainbaunum atak achika awaitai atatui.

Art. 55.- Wajii emetjamu

AWAJUN CHICHABAI JIIKBAU

Wajii emetjamua duka ematai atatui Jintiina nunú chichakbauji antugka, juka chicham utugchat asamtai iwagbaunum takamsawa nunu akikmakti tusa nuní niimtin sumakbaunum dutiknattawai. Wajii emetjuamua duke jujamu atatui akikmakti tibauwaitak pachitsuk pujakui.

Tu chichajka suwimak susamua nunú Wajii emetuamua nuna sujuktajai takug segau atatui Jintiinun.

Tikish batsatkamunum wegak tupika duka emetua ataktu awagtai atatui tuwi pujus tupikakie nui.